

84(2ком)

В84

Л.З. Втюрина
(Зарни Люся)

Тёвся ёшкамёшка
(Зимняя радуга)

Сыктывкар
2013



БУР СИЁМОН - БУР ЙЁЗЛЫ / Зарни Люся

**(С добрыми пожеланиями –
добрым людям)**

84(2 ком)

В87

АБ

ПР 14

Коми республиканская академия
государственной службы и управления
(ГАОУ ВПО КРАГСиУ)

50002

Л.З. Втюрина
(Зарни Люся)

ТЁВСЯ ЁШКАМОШКА
(ЗИМНЯЯ РАДУГА)

169 -

185 -

296 -

Сыктывкар ♦ ГАОУ ВПО КРАГСиУ ♦ 2013

Муниципальное учреждение культуры
«Ижемская
межпоселенческая
библиотечная система»

УДК 82-1.511.1(081.2)

ББК 84(6Коми)-5

В87

Втюрина, Л.З. (Зарни Люся)

В87 Тёвся ёшкамбшка (Зимняя радуга) : сборник стихотворений
Л.З. Втюрина (Зарни Люся). – Сыктывкар: ГАОУ ВПО КРАГСиУ,
2013. – 97 с.

Автор предлагает ценителям традиционной коми культуры и литературы свои стихи на родном коми языке. В них говорится о том, чем живёт, чему радуется и о чём печалится современная женщина.

В своих произведениях автор книги поднимает острые социальные проблемы, восхищается красотой родной природы, признаётся в любви к народу коми, к своей Родине.

В сборник вошли также стихотворения на самобытном языке жителей Ижемского района Республики Коми, которые представляют этнос «изьватаас» (коми-ижемцы).

УДК 82-1.511.1(081.2)

ББК 84(6Коми)-5

© Втюрина Л.З., 2013
© ГАОУ ВПО КРАГСиУ, 2013

СОДЕРЖАНИЕ

Олан туй йылысь	6
О творчестве	7
Төвся ёшкамёшка	8
Бёрда, бара бёрда	9
Лымбаба	10
Карса гулюяс	11
Кор руалоны кымбряяс ю весьтын	12
Тувсовъя сыланкыв	13
Юрси кутан	14
Тувсовъя	15
Шоныдін	16
Олём вын	17
Айёкёд серни	18
Тувсов рыт	19
Ния пу	20
Позьё на олыштны!	21
Менам эскём	22
Югыд вой	23
Сылёмбө бёрдö	24
Бурёдём	25
Гожся асыв	26
Гожся вой	27
Пельсись пу	28
Ар нин...	29
Яғын	30
Ёшинь дорын	31
Шондилён козинъяс	32
Асыв	33
Муслун	34
Локтё тёв	35
Выль воён!	36
Выль во бара воас	37
Выльвося вой	38
Том мортлы	39
Тэ шуин	40

Төв шөр медвондза лун	41
Еджыд ывла	42
Ывла	43
Со ывла вывсö лымъялïс	44
Лымъя рыт	45
Төвся серпас	46
Шондï	47
Ловзъё чужанïн	48
Бёрданкыв	49
Сись	50
Майбыр кад	51
Вой төв войлö	52
Поэзиялён лун	53
Зэрё. Аски – Ыджыд лун	54
Тиньгом шыяс	55
Воас мича олём	56
Лым сылпï	57
Кывбуръя	58
Эн жугыляв	59
Бур вой сиём	60
Хризантемаяс	61
Пымалïсны синъяс	62
Югыд нима ань	63
Енэжизлы	64
Зарни Ошпи	65
Събд кымёр	66
Мед съёлём висьём бурдöдны	67
Кора кыпыд лолбн	68
Ме вежёр воштыла Поэтъясысь	69
Тэ бд, йюк, том на	70
Ме вонгтï ассым музабс	71
Мича морт	72
Съёлёммс эн дойд	73
Мича вёт	74
Лысва войт	75
Андел леччас	76
Удораса морт	77

Пырин събломо	78
Юрий кодзув	79
Ок, кыдзяс, кыдзяс...	80
Сылы кола	81
Ставыс лоас бур	82
Жугыль синъяс ар	83
Вотъяс	84
Шонді петб	85
Медвоздза лым	86
Олёмлы ода	87

Изватас кыв вылын гижем стихотвореннеяс

Мада жале – изьва кыы	88
Ёшиныяс, ёбесьяс восьта	89
Пывсян лун	90
Изватас кывлы	91
Съод вой	92
Ыллаись он ум	93
Видзаися ыллакед	94
Тэнад голэс шыяс	95
Ветлі войков	96
Тувсовъя рытэ	97

Олан туй йылсысь

Втюрина Людмила Зарниевна (Зарни Люся) чужис 1964-öд вося тёв шёр 11 лунö Коми республикаса Изъва районын. Кельчиюр сиктын.

8-öд классöдз велöдчис Кельчиюрса школаын, 1981-öд воын помалис Красноборса шёр школа, 1985-öд воын – Перымса государственной культуры институт. 1985-öд восянь уджалö Сыктывкарьын, С.Я. Маршак нима челядьлён Коми республикаса Национальной библиотекаын.

Кывбуръяссö гижö роч да коми кывъяс вылын. Откымынöс на пиысъй йöздöма республикаса газет-журналын, «Сыктывкар», «Был у меня хороший друг», «Собрание разлук», «У камелька», «Ижемский характер», «Съёлэм гаже – изъва кыы», «Киит öö» (эст кыв вылын небöг) книгаясын.

2006-öд воё петис Зарни Люсялён «Шоныд дияс» медвoddза небöг Коми небöг лэдзанын дасьтём «Шуд войт» кывбур ёктöдъяса чукорын. 2010-öд воын «Народная библиотека» серияын петис «Майбыр кад» кывбур ёктöд.



О творчестве

Втюрина Людмила Зарниевна (Зарни Люся) родилась 11 января 1964 года в селе Кельчиюр Ижемского района Республики Коми.

Училась в Кельчиюрской 8-летней школе, в 1981 году окончила Красноборскую среднюю школу, в 1985 году – Пермский государственный институт культуры. С 1985 года работает в Сыктывкаре, в Национальной детской библиотеке Республики Коми им. С.Я. Маршака.

Стихи пишет на русском и на родном коми языке. Они опубликованы на страницах республиканских газет и журналов, в сборниках «Сыктывкар», «Был у меня хороший друг», «Собрание разлук», «У камелька», «Ижемский характер», «Съблэм гаже – изъва кыы» (Радость сердца – ижемский говор), «Кuum ёё» (книга на эстонском языке).

Первая книга Людмилы Втюриной «Шоныд діяс» (Тёплые острова) вошла в кассетный сборник стихов на коми языке «Шудвойт» (Капелька счастья), изданный Коми книжным издательством в 2006 году. В 2010 году вышел в свет сборник стихов «Майбыр кад» (Счастливая пора) в серии «Народная библиотека».



Төвся ёшкамёшка

Кыа югёръасысь садьми.
Куйлі вольпасын бур здук.
Локті ёшинь дорё, падми,
шензъёдантор аддзи друг.

Енэж помын, ылын-ылын,
шонділён көн зарни поз,
ёшкамёшка вортас вылын
ёшиис визя мегыр моз.

Гашкё, сэтысь гожём корсюö
ёшкамёшка -- асья гösyt.
Толын пörtмасьö да ворсö,
быттьö енколалён нöд.



Бёрда, бара бёрда

Бёрда, бара бёрда.
Дзескыдінö йөрта
ассым юғыд думёс,
кыпылунёс, нюмёс.

Тёда, бура тёда,
еджыда да съода
оломыс, и дойён
ойда узътём войын.

Івла югдас, чечча.
Лунбыд мыйкё вёча,
нокся, мышкёс берта.
Рытнас сисъяс ёзта.

Кыпылунёс, нюмёс,
ассым юғыд думёс
дзескыдінис мезда.
Водзё овны мёда.



Лымбаба

Садьмө еджыд син лысъяса лун.
Шонді дзебсис руа сынöд пытшкö.
Кимёститчысь чöскыд асъя ун
турдом мусö, ывла вывсö личкö.

Кöлдуйтöма невестаяс моз
кыдзъяс сулалöны гыёр пиын.
Эзысь лапъяса, дзор тошка коз
вугралöмён чурвидзö на дïнын.

Тешкодь нюмён гажöдöны лов
лымбабалöн шомийсь вöчöм синъяс.
Йизьём тьётка кöдзыдысь оз пов,
нимкодьпрысь öвтчö кос чаль-кинас.



Карса гулюяс

Карса гулюяс, горттём пемёсъяс,
ті моз корся ме шоныд пельбесъяс
тайё пемыд да гудыр олёмас,
тайё аския лунсыыс полёмас.

Бурсö, югыдсö сöмын казтыла.
Пыр на эска, мый шудсö аддзыла,
кötь и олёмлён помыс тыдовтчö,
кötь и висьомлён вуджöр кыйöдчö.

Енлён лэбачъяс, кургöй, окасьёй,
йизьём туй вылын пёттöдз кокасьёй.
Бур, мый кодлыкö талун колам на,
сïдзкö, ловъяöс, сïдзкö, олам на.



Кор руалёны кымёръяс ю весътын

Кор руалёны кымёръяс ю весътын,
и ииыс эз на вörзы, олö чöв,
кор шондi волö шоча, дона гöсътöн,
и асывводзсянь пöльтö ыркыд тöв,
сэк сьёлём вылын век жö вывтi долыд,
и синъяс водзын шаньмö ывла выв,
сэк кылан, кыдзи садьмö пытшкöс лолыд,
и чужö муслун йылысь сьыланкыв.



Түвсовъя сыланкыв

Бара көтөдіс менсым чужомөс
долыд синванас түвсов зэр,
быттьё казяліс лолён усьёмөс,
зільё мичмөдны олан сер.

Бара юрсиөс кутіс легодны
небыд чуньяснас түвсов төв,
быттьё төдись моз көсйө бергөдны
кольём кадсö, көн лёк ээ вöв.

Бара жальпрысөс пондіс видзөдны
гудыр синъяснас ывлавыв,
быттьё шоглунөс вермас личөдны
сылён түвсовъя сыланкыв.



Юрси кутан

Выльён садымём парма шёрын,
сылысь-дзольгысь тувсов вёрын
кулян сюмёд, вёчан пуртён
шонді рёма юрси кутан.

Коркё, ягысь локтём бёрын
бергёдchan кор горт гёгёрын,
гожъялёмыд, мёдан бара
мустём буса Сыктывкарё.

Синмё видзёдлан да нюмдан,
козьналан мем юрси кутан.
Вёчин сийёс тувсов вёрын,
выльён садымём парма шёрын.



Тувсовъя

Тэ меным тырмымён
кымбортём енжын,
томиник ныв-зонлён
тёждысътём серамын,
нюмъялысь шондикёд
вильшиасьсь тёвруын.
Лёнь кыа ломзигён.
Рытъявыв пёраын.
Мичаник енгаглён
ки вывсянъ лэбзьёмын.
Тувсовъя вижьюрлён
олёмлы шензьёмын.
Тырмымён тэ меным,
кёть и эг аддзысълой
во чёж нин, донай...
Сэтшёма гажтёмси!



Шоныңдін

Арся коръяса,
ния керёса,
сөстөм зэръяса
чужанін.
Номйось видзъяса,
кыдза расъяса,
козъя ягъяса
чужанін.
Зёльгысь ёльяса,
бörдьись бадъяса,
пельись розъяса
чужанін.
Понöль эрдъяса,
изийось шоръяса,
югыд войяса
чужанін.
Турун кöраса,
лымйось тёвъяса,
кöдзыд тöлыся
чужанін.
Посни тыяса,
діа юяса,
еджыд юсьяса
чужанін.
Бать-мам гёлöса,
пывсян тшынъяса,
гудёк шыяса
чужанін.
Менам сьёлёмлы,
ловлы, мёвпъяслы,
менам олёмлы
шоныңдін.



Олём вын

Кельчиюрой, тэ ёд кёнкё эм!
 Тышнъяссяныд ёвтö пёжас дукён.
 Сэк, кор дзикодз гажтём лоё мем,
 мёвпён тэлань лэбзя ёти здукён.

Пёчехасянь Матвей шорёдз - туй.
 Мыйыс сёмын оз быдмы сы пёлён!
 Вотёс, бонбаз, катшпомоль да пув.
 (Пувнас чёсмасяямой весиг тёлын).

Матвей шорын вавыс небыд, сёдз.
 Мысся, юа пёттёдз. Мудзёй бырё.
 Гортё шор дор дзик пыр оз на лэдз:
 катшасинъяс нуа сэсь ки тырён.

Дзоля ягті шёйтышта час джын.
 Ванько мусянь коса бёр, и адза
 гёра вывсян лёзов пывсян тышын.
 Гортлань лэчча сыылігтырый, скачён.

Пывсян дорын быдмё джуджыд кызд,
 лабич сэні, туйтор пышшёй горув.
 Изъва сайын баддьён ёвтчё видз,
 бипур гёгёр пукальштын корё.

Кельчиюрын медся мичайн
 - менам челяльдырся шор катыдой -
 оннёдз на сетё ыждыд вын.
 Крепыд пыжын олём кузя кывта.



Айёкёд серни

Трактсянь гортö лэччигён
кежавла крест дорö.
Муёдз копыр сетёмён
тэнссыд прёща кора.

Айё, мыйkö кылан-он
сэнi, кыз му улын?
Висъстав меным, мыйла нö
олысь быдён кулё?

Мамёллы лёк ётнасöн,
пыр на бöрдö горöн.
А тэ, айё, вöтъясын
гöсът моз сöмын волан.

Керкаын ни кызёктöм,
очсалöм ни корскöм.
Некод оз ворс гудёкön.
Оз кыв бедьлон котшкöм.

Он нин горöд ружтöмён:
«Лиза, чайсö пузьёд!»
Киад стöкан кутёмён
он сёй кампет гусьён...

Трактсянь гортö лэччигён
кежавла крест дорö.
Муёдз копыр сетёмён
тэнссыд прёща кора.



Тувсов рыт

Дзиредён вильшасьö шондi,
узыны мёдёдчö гортö.
Яг выв кымёръяс сывиö
ньюжйö исковтö сийö.

Читкыр синъясöн сылы
нюмда вомтырён. Вылö
тuvсов колипбн лэбзя.
Муён любуйтча сэсянь.

Бёр кор воёдча увлань,
шондi вольласын куйлö:
сöмын юрдзибыс сылбн
югъялö вöртас вылын.

Ломзысь ноддяён рытбыд
кыа, чёв-löнь да кыпыйд:
дивö кодь дöра кыö,
бур вой ставöнлы сиö.



Ния пу

Ния пуёй,
шувгышт мойд.
Мышку висьё,
личёд дой.
Лолёс ышёд,
югзьёд vem.
Мёвпъяс кыпёд,
шоглун вен.

Тэнад улёс-вужъясыд
кокньёдасны мудзьясöс.
Чёссыд дука лысъясыд
ловзьёдасны пытшкёсöс.

Со и сыліс
шүштём ру.
Сё пасибö,
ния пу!



Позъё на олыштны!

Небыдик тёвруён
сынёдкёд сывъяся.
Асъявыв пёраö
ниакёд киася.
Лёссыдик лысъясыс
шонгасны киясöс.
Олёмлышь мичлунсö
аддзасиы синъясöй.
Лунвывлань воссъёмбн
лов пытшкёс нюмъёвтас.
Сідзкё тай, позъё на
олыштны му вылас!



Менам эскём

Ог норасълы дай ог вежав.
Ог сетчы, ог ышты венны...
Кöть вичколань ог и кежав,
пыр эска ме аслам Енлы.

И лёкыс кор бурсö венö,
кор лов вылын щуштöм, кыла,
кор олöм вын бырö менам,
ме юрбита сэки Сылы.

Но пернапас сöдзи чöвта,
мед оз казяв тайöс некод.
Кор сёрнита Енköд мёвпöн,
сэк пытшкös дой ланьтö регыд.

И киясöс лэйта вывлань
да шыася вежа дïнö,
мед Ен югыдыс пи-нывлань
пыр видзöдас сöстöм синмöн.

Ме кевмыся, кора сёысь,
мед чинасны йöзлён шогъяс.
Мед дzonьвидза лоö чойö,
мед оз висьны бать-мам, вокъяс.

Ме радейта ассым Енмöс,
кöть пыдïын сïйöлö олö.
И вескыидлун лёксö венö.
И лов вылын бара долыд.



Югыд вой

Югыд войыс босътіс менсым унмös,
сы пыдди мем вöзийис уна мёвп.
Висьталöны, мортлён олан туйыс
дженыыд, нöшта-й джынсö мырдьбö вöт.

Мырдьбö-ö? Öд вöтын сïдз жö олан.
Долыд овлывлö и гажтöм сэн.
Чслядьдыр и томдыр кадö волан.
Тöжд и радлун – ставыс вöтын эм.

Весиг паныдасылан дона йöзкöд,
кодъяс эновтисны таладор.
Уна сикас рöма унмыд чöскыд,
муса мортöс вöтöн аддзан кор.

Сүöдас кö вöтын неминуча,
пыр жö садьман: Енмöй, лёкысь мезд!..
Нимкодь лöб, рюö пöрö мудзöм,
дась нин бара нуны ассыд крест.



Съёлёмö бёрдö

Сэтшома вой-войён
съёлёмö бёрдö,
быттьёкö ойдома
ытвайн-кörtön.
Эски, мый мезда ме
лёк йöзысь ертöс.
Весьшöрö.

Меддона,
куйлö со
гортыйн.
Мöдараc, югыдаc
му вылысь лэбзис.
Гашкö, и шудлунсö
аддзас кöть сэтысь.
Кор дöзмас нойтчыны
кört пытшкын съёлём,
kad воас вётчыны
сы бöрся меным.



Бурёдём

Оз, оз, да енжыс письтас,
кёдзыд зэр дыр сувтса кисьтас.
Мыйлакö вероёсыд скёрмас,
олёмлон курыдмас кёрыс.

Оз, оз, да бураяс сэсся
мусаыд, видзёдлас пёся.
Кыдзкö тай лёглунсö венас
важ моз на сывъялас тэнö.

Оз, оз, да сьёд кымöр мунас.
Шань ань моз нюмъёвтас луныс.
Йёз нимсянь бурсиöм кылан.
Вомгорулад мыйкö сылан.

Оз, оз, да лёк бёрлань коляс.
Бара на шуд кыськö воас!
Кёймыйд виччысytöг збыльмас.
Эбёсыд дыр кежлö тырмас.



Гожся асыв

Асывывсянь пöльтö ыркыд тöвру.
Енэж дорыш ворсö кельыдгöрдöн.
Сывтыръясысь лэдзö ойбыр пöра
öдья пачён ломзысь кыа öдöн.

Со нин лöзов руа вöртас вылын
мургысь кань моз куткырвидзö шондi.
Садьмöм вöр-ва нимкодясьö сылы.
Ывла вылыс югыд шудöн оидö.

Майбыр нюмöн мелiasьö шондi,
канысьсö пöрö зарни рöма колькийö.
Повтöг тюрö дзирысьсö артмöм содтi,
ловъя ловлысьсö чöскыд унсö торкö.

Асыв öдийö ладмö лöньöм тöвкöд,
вуджö мича гажа гожся лунö...
Окота, мед быдöн öтa-мöдкöд
ёртасьöмöн олан туйтi мунас!



Гожся вой

Тэнö лелькуйтö шоныд сынöдыс,
сыылö-лайкйöдö мелi сывъясын,
быттьö потанын, чöла байкöдö.
турун дукъясöн тöждъяс ланьтöдö.

Войыс шойччöдö мудзöм сойястö.
Войыс бурдöдö пытшкöс дойястö.
Мыйкö шöпкöдö, öвтчö бордъясöн.
Сетö эбöслун тэныд водзöсöн.



Пельсь пу

Медвоздзайён чёвтан коръястö,
пельсь пу, но видзан тусь,
видзан гордов зумыд розъястö
сэтчöдз, кытчöдз лым оз усь.

Вöрыштöны кушмöм росъясыд,
лэбач кельёб пуксьö кор.
Сярвидзöны кисьмöм розъясыд,
ловъя ловлы -- чöссыдтор.

Ыркыд сынöдсö ме апышта.
Гöра улын нургö ёль.
Тэнсыид кöдзыд тусяяс малышта,
видла юммöм пельсь моль.

Муса пуй, юртö копыртлы,
козынав уна пельсь роз,
мекöд сывийштчöмöн ойбыртлы,
отсав меным тыртни доз.

Тэкöд орччöн ставыс мичаммö.
Тöвбыд юа чöссыд чай.
Йöзлыйс дzonьвидзалун видзöмö
пуктан, пельсь, асссыд пай.



Ар нин...

- Кыдзъясöй, кыдзъясöй,
мыйла нö
гожъялан пасъясныд зарниа чутъяса?

- Ар ёд нин...Ар нин...

- Вöр-ваöй, вöр-ваöй,
мыйла нö
кельдöдисны тэнад дзоридза лудъясыд?

- Ар ёд нин...Ар нин...

- Дзодзöгъяс, дзодзöгъяс,
мыйла нö
нора тi гогзянныд, луивывлань лэбанныд?

- Ар ёд нин...Ар нин...

- Енэжöй, енэжöй,
мыйла нö
кисъкалан видзъяссö гудыртчом синванад?

- Ар ёд нин...Ар нин...

- Пипуяс, пипуяс,
мыйла нö
ыпъяланныд быттьö куслытöм бипуръяс?

- Ар ёд нин...Ар нин...

- Сыёлёмой, сыёлёмой,
мыйла нö
горён тэ бёрдан и сералан отпырийö?

- Ар ёд нин...Ар нин.



Ягын

Гожся пёраыс тёдлыттөг колис,
кёть и виччыс им сийёс ми дыр...
Таво пельсысыс сы мында воис!
Ёль дор вижьюрён, ельдётгён тыр.

Пёттöдз ягъястi ётнасён шойтан.
Руа сынёдыс медся бур ёрт.
Сылы радлунттөг жалиттөг сетан:
аслас тырмымён да, оз и босыт.

Коръяс шёпкёдчёны кокъяс улын,
тэныд ас ногён сиёны шуд.
Ягысь петiгён копыртчы муёдз,
«аттьё» мадалы сьблёмсянь шу.



Ӧшинъ дорын

Зэрасьё. Коръяс усьёны.
Ме восьса синмён узя на.
Ӧшиньсянь арся пöраын
öвтыштас ыркыд тöвруён.

Тöвруён унмös лэбöдас.
Ныр помой кынмас, кельдöдас.
Ӧнi кö эськö сывъялiн
сэтшöма жö, кор нылавлi!

Нылавлi недыр. Ылалi.
Коръяс моз шудöй гылалiс.
Верöс сайын кöть, öтнам пыр.
Синваой матын... Тырмас дыр.

Дыр тырмас медым эбöсöй,
видзöлlyвла Ен пельöсö...
Водз асыв. Керка узьё на.
Зэрасьё. Коръяс усьёны.



Шонділён козинъяс

Енэж саридзын шонді уялō
мойдьись син ёран съома чериён.
Лым чир прошвиö дзирдъяс сюялō.
Локтысь-мунысьös пасий беринён.

Вösни лысьяса пожём увъяссö
вевттьё ярьюгыд тутъя шальясён.
Мавтö вильшасигмоз кызд пуюслыс
гöрдöн, колькижён эзысь чальяссö.

Ворсö ыпъялыс пельис мольясён.
Гартчö коз гöгöр зарни кöвъясöн.
Козлён туганö öшиём кольяслён
киллыыс пöртмасьö кыа рöмъясöн.

Тайё талунъя тувсов шондилён
медбёр козиныс йöзлы, вöр-валы...
Лызъяс нүöны менö гортланьё,
а ме нюмъяла едждöм бербалы.



Асыв

Арся асылыс руалö скöра,
гусьён броткöдчö, тусясьё-зэрö.
Бöрдö ярьюогыд мольяса пельись:
сылысь став корсö нетшкöма тöлlyс.

Быттьё корысьяс коньёр пуюс,
нора тирзьёны кушмöм увъяс.
Рака чукöрлён кылö кравзöм,
тасысь нöшта на гёгёр гажтöм.

Гудыр енэжкöд ылын-ылын
дзикöдз öтлаасьё яг вылыс.
Сэсянь кöдзыдсö ваяс турöб,
матын, матын нин, лымайён дурö.

А син дорышын бара сöнк
сыысь, мый меным долыд öнi.
Ывла вылыс во гёгёр муса,
сыкöд ловзыла, сыкöд кусла.



Муслун

Руа сынёд пыр восылала-муна.
Менё окалö посныдик зэр.
Гудыр енэжö здук кежлö сунла,
сэсся му вылö лэчча бёр.

Ола тэ йылысь мелi думён.
А кор сьёлёмой ий кодь кын,
менё ылiсянь шонтан нюмён.
Тэнад радейтöм сетö вын.

Кыдзяс бёрдёны сёстöм войтöн.
Бёрда ачым, и небзьö лов.
Меным медмуса лоин мортöн.
Ов жö, донаöй, дырджык ов!



Локтö тöв

Арся нисьö тöвся ывлавысъ
некор, буракö, ог пöt!
Зэра нисьö лымайöсь лунъясысъ
мый мем ваясны, ог тöд.

Лым чир бёрся лым чир - турёбён,
Кöдзыид Пöльысъ ныртö видз!
Бёрлань кольччö арыс дурёмён.
Кортöм роскён трачкö кыдз.



Выль воён!

Во помын верстъёис овлывлö кагаён:
вöчалö челядькöд лым чир да моль,
мичмöдö коз пулысь лапъяссö чачаён,
дзеблалö лыс пиё кампет да коль.

Выль вося дукъясён кыпмунлö сиёдыс.
Дзоляник шондi кодь виж мандарин.
Праздниксö виччомыс лов-виртö пымöдö,
ланьтöдö дойястö, содтыштö вын.

Шоглуулён кузьбось да чорыдось киясыс:
мынтöдчы наясь, важ вояслы сет.
Зарниён пöртмасьясь выль вося кыавыс
шудтор, кöть неуна, козьналас тэд!

Мед лоас енэжыс бурторсö сиёмён!
Сийös он пöрийöдлы, Енмыс кö эм.
Мортыд öд быд лунся олёмён-вылёмён
петкöдлö, мый вылö сетёма нэм.



Выль во бара воас

Выль во бара воас,
ставыс бурджык лоас.
Лымыйыс няйтсö вевттяс.
Лёня шондi петас.

Ньёв моз лызьён лэбзя,
яг борд улö дзебся.
Дыркодь сэнi шойта.
Дойёс лымийö вöйта.

Сьёлёмшёрöй, нюмда,
кутишöм жö ме шуда!
Войвылын код олö,
сылы кöдзыд колö.



Выльвося вой

Выль Во вочаалігён долыд.
Тінъёгө часі, и кыптö лолыд.
Повтöг воськовтан локтан воас.
Эскан, олomyд шуда лоас.

Выль во гыалö таладорын.
Войбыд пукалан öшинь дорын.
Карыс шыалö сылан горён.
Аслад синваыд киссöйшорён.

Лёня казтылан «шоныд дiяс».
Енэж пасьтала - мича бияс.
Помтöг усьёны кусысь кинъяс.
Асыныс куньсёны мудзём синъяс.

Эскан, олomyд шуда лоас.
Повтöг воськовтан локтан воас.
Тінъёгө часі, и кыптö лолыд.
Выль Во вочаалігён долыд.



Том мортлы

Вежон кежлö волинныд
миян Коми мүö.
Лёня шлывгис сёрниныд,
юммёдёма нюмён.

Войёдз, асъя кыасянь,
лэбалинныд кёнкö.
Видзёдласныд пыдiseянь
югзёдёма мёвпöн.

Тёдмасьёмным - вина доз,
сёмын ньёти ковтöм.
Орис вёсни сунис моз
ёта-мёдкöд ворсöм.



Тэ шуин

Тэ шуин: «Шудлун – тайё здук,
кёть кодкёд сийёс тэ эн юк.
Зэв недыр шуда овлё морт,
и мыйлакё тай чегсьё борд».

Эг висътав тэныд вочакыв,
но быттьё гемдіс ывла выв.
Он эскы тэ, мый муслун эм,
тэ абу шуда, жаль тэ мем.

Быд мортлы колё муса ёрт
да ловтö шонтысь чужан горт.
Збыль майбырлуныд - помтём мойд,
оз чегъяв бордъястö, оз дойд.



Тёв шёр медводдза лун

Ымралö выльвося шондi,
нкомдö, но ньёти оз шонты.
Ывласö лöнь кыа рёмён
мичмодö лун шёрөдз сёмын.

Дрёгмунас кузь кока пожём:
вётасьё, буракö, гожём.
Ышловзясны лыска увъяс,
лым тукта плапкысяс увлань.

Ӧгыр кодь, гёгыльтычö шондi
руалысь Изыва ю вомтi.
Чолёмалас еджыд мусö,
здук-мёд - и асылөдз кусö.



Еджыд ывла

Еджыд, еджыд, еджыд пуюс.
Еджыд енэж, еджыд туйяс.
Öшинь сайын бара тёв,
арыс быттьё эз и вёв.

Еджыд, еджыд, еджыд ывла
вомгорулас мургö-сыллö.
Тапикасьё лымъя лун,
вötлö крепыд асья ун.

Еджыд, еджыд, еджыд думъяс
вольсалёны войвыв муюс.
Гёгёр пуксяс еджыд чёв.
Тёвсö радейтам ми зэв.



Ывла

Бласлёвитіс менё ывлавыс,
юрсянь кокъяс улöдз лымъяліс,
бур сиомён лёня сывъяліс.
Съёлём вылын лоис бур.

Гажтöмаліс, кёнкё, войбыд, да
паныдаліс менё шоныда,
чоломаліс пöся, дольда.
Воссис вежёр, югдіс юр.



Со ывла вывсö лымъялïс

Со ывла вывсö лымъялïс,
но ассыыс зарни коръяссö
оз тэрмась чётны лым вылö
лойн сяма статя кыдз.
Октябрöдз гожём шпыннялïс,
эз казяв арся войяссö,
коть тайё кадö кынтылö,
оз дзоридзawlы видз.
Ас уджысьсвой тёв ылавлïс,
сёр дорис йиён шоръяссö,
и вёрыс шензьё-гыалö
да видзö гожся мич.



Лымъя рыт

Шевкнитёма пушыд бордъяссö
еджыд лэбач – лымъя рыт,
локтысь-мунысъяскöд ёртасьё.
А лым чирыйс! Тшёт ни лыд.

Кöть и дзебисис пемыд енэжыс,
сыкöд йитöдис оз оп.
Кёнкö, кодзув синма, эм на жö,
ыстö мулы чолöмтор.



Төвся серпас

Алойюгыд вортас пёлён
астья кыа – ваймём пач.
Киссьё-шлывгö пёжём йёлён
небесаыс. Шыч ни рач.

Кымёр кельёб сёйсъё ылын
дзоля балаяпиян моз.
Юрсö тшапа кутё вылын
лымыйон пырзьём латшкёс коз.



Шонді

Асъя бушколын ломзис шонді.
Лёня синмаліс қынмөм мусоў.
Дыша очсовтіс, ловсö шонтіс.
Пöся оқыштіс унзель юсö.

Сэсся ёддзис да ортсö петіс.
Зарни дзирдъясён ставыс ловзис.
Здук-мöд нимкодясис да дзебсис.
Аслас мичлунысь быттьö повзис.



Ловзъё чужанін

Эз на помасьны кёдзыд лунъяс.
Шоныд пасъясон ветлö йöз.
Эз на косьмыны няйтöсь туйяс.
Енэж абу на лöзысъ-лöз.
Сöмын нязвöны шызвöм канъяс.
Чинö лым толаяслöн лыд.
Сöмын мичаммöмäбс аньяс.
Лунывив тöврукöд ворсö рыт.

Эз на вежöдны ния пүяс.
Эз на мыччысылы кыдзлöн кор.
Оз на воссыны войывив юяс.
Оз на гажöдчы тувсов шир.
Сöмын лэбачлöн дзользъём кылö.
Шондö югöрысь куньсъё син.
Сöмын синöдын сылан сылö.
Ловзъё вочасон чужанін.



Бёрданкыв

Тэд шулі уна мелі кыв.
Тэ сынöд моз жö меным колин.
Жаль, оні менё он нин кыв.
Зэв недыр му вылас тэ олин.

Пыр вölі пызан вылад сур.
А нöшта - ма да чöссыд чери.
Мем тэкöд орчён вölі бур.
Друг ставыс казьтылёмб пори.

Тэ ыджыд из кодь вölін ён.
Тэ радейтін став ловъя ловсö.
Тэ тöдін ёртасъомлы дон.
Ас лов пыр сöдзтін йöзлүсь дойсö.

Тэд шулі уна мелі кыв.
Тэ сынöд моз жö меным колин.
Жаль, оні менё он нин кыв.
Зэв недыр му вылас тэ олин.



Сись

Сись би уна рёма, мича,
съёлём шёрын сийёс видза.
Шобді юрсиа, зэв мелі,
видзёдласыс инмё чёла.
Югыд шёвкысь лёзов шарпа,
лайкъялёмён йёктö тшапа.
Сунис помыс ёгыр чутось,
чискысь нырсо вылын кутö.
Шытöг сыылö, горзö, лёттö,
рытывбыд тшётиш мекöд бёрдö.
Озта, ёзта еджыд сисьёс,
югзьёдас мед олём визьёс.



Майбыр кад

Кёть кытчö муна, пета,
ас лолён кыла, тёда,
туй помын тэнад синъяс –
илюм койысь зарни чиръяс,
и гажа сёрни гыяс,
и ыджыд мелі кияс.
А тёдан, тэнад, вölöм,
быд чунь помын эм сьблöм.
Кор окала ме найёс,
сэк весиг вошта садьёс.
И ловзьёдö вир-яйёс
мем сетём майбыр кадыс.



Вой тёв войлö

Лымыйс сотіс чужёмбан
юёс йыла чирйён.
Вой тёв войлö сэн и тан,
асныра да ыръян.

Кокни пасъёмыд оз видз
кёдзыд чизыр тёлысь.
Кор нин воас тувсов мич?
Помасьё март тёлысь.



Поэзиялён лун

Кор помасис Поэзиялён лун
(мем гижысьяскöд аддзысылём оз вун),
сэк тувсов рытсö вайис небыд тёв.
Ме татшомётка некор на эг вöв.

Кор залысь гортас мёдёдчис быд морт
(ас семья дорас мунис менам ёрг),
сэк жугыль рүён ойдис доймом лов.
Ме ловъя со, а некодлы ог ков.

Кор карса туй моз йизис сьёлём джын
(а гашкё, важёнкодь нин сийё кын),
сэк войбыд гижи, асылодз эг узь.
Ме шогси, бытъё пёлёс воштём юсь.



Зэрё. Аски – Ыңжыд лун

Зэрё. Аски – Ыңжыд лун.
Ва гуранö видзöдча.
Пемыд паськöм мем оз мун.
Нюомъялёмён мичöдча.

Олём гыясын эг пöд.
Радла пулы, пемёслы.
Эска, кöть и ог на тöд
ачым, кутшöм Енъяслы.

Нинöм вылö лög ог кут.
Лёксö вежö волысьюм.
Меным усис помтöм шуд –
лоны татчöс олысьюн.

Зэрё. Аски – Ыңжыд лун.
Ва гуранö видзöдча.
Пемыд паськöм мем оз мун.
Нюомъялёмён мичöдча.



Тиньгём шыяс

Ыңжыд лунö тиньгём шыяс
ланытöдисны олöм гыяс.
Öтнам коли Му шар вылын.
Матыс рöдвуж месянь ылын.

Лунбыд куйла шебрас улын.
Бергалöны мöвпъяс юрын.
Синъяс водзын ёртъяс менам,
аддзысломъяс, сёрни, серам.

Тагёсöс оз воськовт некод.
Сöмын дзоридз опö мекöд.
«Кристос ловзис» шуа сылы.
Киссёй синваöй бур вылö.

Матыс рöдвуж месянь ылын.
Öтнам коли Му шар вылын.
Ланытöдисны олöм гыяс
Ыңжыд лунö тиньгём шыяс.



Воас мича олём

Нелямынысь унджык тулыс
таладорын менё суліс.
Синъяс водзын ловзис ывла,
радлун нуліс енж вылょ.

Съёлём тіпкөм гора кыліс,
лолой колипкайён сыліс.
Кималасён унзіль шонді
менё лелькуйтіс да шонтіс.

Таво ваяс тувсов тёлыс
съёлёмшёрös, менсым пёлös.
Мусмас сылён шоныд «чолём»,
воас выль да мича олём.



Лым сыліс

Йойтало, сылдо, кыпъяло лов,
состомысь-состом сэні.
Лым сыліс, лым сыліс! Ов да ов!
Од ставыс ловзьо ѿні.

Ывлыс шонді нюмён тыр.
Пысталоң тиньгөм кылдо.
Ваасьо пышкай дырысь-дыр,
косымома горшыс сылён.

Ныр-вомёс нювлё небыд тёв,
ворсöдчö чышъян сырйён.
Тёдан, мем некод эз на вёв
мусаджык тэысь. Кылан?



Кывбуръяс

Кывбуръяс, кывбуръяс – пöсъ синва мольяс,
тi менам вужъяс пыр писькöдчысъ ёльяс.
Дыр жö тi сöдзинныд, корсинныд вынъяс,
гожъялём асыв моз восытинныд синъяс.

Банийом нянь тупöсъ кодь веж петан кывъяс,
дойлён да радлунлён йолёга шыяс,
дыр жö тi кисьминныд лолын да юрын,
регыд тi воянныд олёмлён нюрын.

Кывбуръяс, лöсъöдчöй йöз дорö петны,
кöсийомъяс збыльмöдны, вермöмъяс сетны,
мусмöдны сьёлёмъяс, бурмöдны мёвпъяс,
вöвлытöм рöмъясон мичмöдны вöтъяс.



Эн жугыляв

Менам перна ныв Зоенъкалы

Зэв сьёкыд гёгёрвоны йёзёс.
Он тёдмав некор ёта-мёдёс.
Быд мортлён аслас оланног
и сьёлём ёнтысь шуд да шог.

Кор тэнё дойдас кодкё кылён,
эн жугыляв, ёд грекыс сылён.
Мед войыс сетас тэныд ун,
а асыв ваяс долыд лун.

Сэк дzonьвидза да майбыр лоан,
кор аскёд ётсёгласон олан.
И матыслы, и аслыд бур,
кор сёстом мёвпъяс чужтё юр.



Бурвой сиём

Тэнё сывъяласны менам киясой,
тэныд нюмъётасны менам синъясой.
Льобъяс инмёдчасны мудзём сой дорад,
ышёдана сёрни чужтысь вомдорад.
Бурвой, зарни тусь.
Войыс кузь, бура узь.



Хризантемаяс

Тэнсыыд тёждъястö,
мойд кодь вётъястö,
сöстöм думъястö,
шоныыд нюомъястö,
муслун ньöвъястö,
гуся мёвпъястö,
юомов дойястö,
вына сойястö,
кужысь киястö,
мудзём синъястö,
мелi гёлёстö,
зарни сьёлёмтö
хризантемаяс
пыр на видзöны.
Меным сьёлёмöдз
мичнас йиджöны.



Пымалісны синъяс

Пымалісны синъяс.
Сотчö чужöмбан.
Тিralöны кияс.
Лолöй абу тан.
Радлун кыськö воис.
Мёвпys чужис тшем.
Мый нö эськö лоис?
Триньёбылін мем.



Югыд нима ань

Важся висьтысь югыд нима ань
пырис тэнад вежёрё да лолё,
шойтö парма шёрын, быгтьё лань.
Корсян сийёс, гортад он и волы.

Тэныд звёнитлыны весиг дыш,
менам гёлёс шысьс пельйд полё,
Ен да Омёль костын помтём тыш
вежё мёвпъяс, медым, тадз кё колё.

Гашкё, петкёдчыла сылгитыр
тэныд кыпыд руа эзысь ёльён,
вёрса керкаыдлысъ дзескыд жыр
гажёдышта рытнас аслам лолён.

Важся висьтысь югыд нима ань
пырис тэнад вежёрё да лолё,
шойтö парма шёрын быгтьё лань.
Корсян сийёс, гортад он и волы.



Енэжизлы

Кор тэ йöзкöд,
ворса нюмён
тэнад синъясын.
Сыла чёскуд
кёра думён
олём шыясын.

Кор тэ ётнад,
ловзя тунён
тэнад киясын.
Суна вётад,
ланьта унмён
тэнад сывъясын.



Зарни Ошпи

Тэнад синъяс - вёрса тыяс.
Небыд тупосяяс кодь кияс.
Восьса чужём ворсö нюмён.
Видзёлласыд югзьё думён.

Кывбуръясад – сынёд гыяс,
шембсмёдан войся шыяс,
помтём дойлён джуджыд джумъяс,
шудлун йылысь кыпыйд думъяс.

Ас кыв сёвмёдан да видзан,
нимкодясян сылён мичён.
Чужанінто ловнад кылан,
долыдпрысы олан-вылан.

Ме зэв рад, мый аддзи ёртös,
бурё эссысь шоныд мортös.
Зарни Ошпи, тэ мем колан
шонді моз, но шоча волан.

Видзёлласыд югзьё думён.
Восьса чужём ворсö нюмён.
Небыд тупосяяс кодь кияс.
Тэнад синъяс - вёрса тыяс.



Съёд кымёр

Съёд кымёр вевттис рытъя кыасö.
Тэ висъстав, Сыктыв мулöң пи,
кысь корсыны меным сэтшöм кывъяссö,
мед гижны съёлём сотысь би?

Съёд кымёр вевттис рытъя кыасö.
Ме ётнам кысся сылгитыр.
Кысь корсыны меным сэтшöм шыяссö,
мед мича шылад олис дыр?

Съёд кымёр вевттис рытъя кыасö,
и войыс воис кань моз ньёж.
Кысь корсыны меным сэтшöм синъяссö,
мед налы эски олём чёж?



Мед съёлём висьём бурдёдны

Мед съёлём висьём бурдёдны,
мем колё тэнё вунёдны.
Но синъяс водзын сулалан
да сёйсь лун чёж юалан:
- Тэ радайтан на менё?

Мед тэлань кыском дугёдны,
мем колё вежёр югдёдны.
Но синъяс водзын сулалан
да сёйсь лун чёж юалан:
- Тэ радайтан на менё?

Мед тэкёд йитёд жугёдны,
мем колё бансо гугёдны.
Кор синъяс водзын сулалан,
сэк менё ловийён гуалан.
Од радайта...ог тэнё.



Кора кыпыйд лолён

Кора кыпыйд лолён.
Гашкё, коркё волан?
Дзебсин ас ку пытшкё,
пёкмелитчысь лов.

Ас олёмён олан.
Бонзёйм пасьём новлан.
Пырёдчомыд нитшкё.
Удж ни сьём оз ков.

Тёдан, тэ мен колан.
Вичча няньён-солён.
Сьёлёммам нин бытшкё.
Пыравлы. Эн пов.



Ме вежёр воштыла Поэтъясысь

Ме вежёр воштыла Поэтъясысь.
Тэ абу на кодь, тэ дзик мёд.
Но тэнад чёсқыд льёба лэчъясысь
ог вермы петны и - ог мёд.

А тэнад оланиногыд, думъясыд
оз кажитчыны ньоти мем.
Зэв гажтём руа тэнад лунъясыд,
и нитишсялёма нин юр vem.

Он аддзы водзёвыйлых югыдсö
да сылань долыда он мун,
но таысь серавлан на мукöдсö.
А аслад олём -- шүштём ун.



Тэ ёд, йёюк, том на

Тэ ёд, йёюк, том на,
та вёсна и дона
батькёд-мамкёд олём.
Меным вичмө чолём.

Ме вылё тэ видлан,
ловъяснымös йитлан.
Ньёвъястö эн ёсьты.
Сылёмös эн косьты.

Сурйён пёт да долыд,
олан сямыд молыд.
Откалун тэд муса.
Радейтчёмным кусö.



Ме вошті ассыым музабös

Ме вошті ассыым музабös.
Кор мортыс оз тёд яндзим,
сэк бырё медся мусаыс.

Ме вошті мича кывъясоc.
Кор вужыйис сісымö тадзи,
сэк косьмёны и йывъясыc.

Ме вошті югыд мёвпъясоc.
Кор кос туйсо он аддзы,
сэк уялан няйт гёпъясас.



Мича морт

«Съёкыд мыж эм лолой вылын,

Оти мыж и эм!

Дзик чөв олi, кор «тэ муса»

Сүйд юус мем!»

И. А. Куратов

Бара сулалан синъяс водзын,
астья кыя кодь мича морт.
Думён восылала тэкёд орчён.
Меным лоин тэ медбур ёрт.

Кыдзкё тёдлытёг меным воссин,
небыд съёлёма авья тун.
Шоча аддзысылём – ыджыд козин,
быттьё тёв шёрын гожся лун.

Збодер, мелі да серамбана.
Состом видзёдлас лёзысь-лöz.
Сывины радайтан, сибыд сяма.
Вылö доњялö тэнö йöz.

Оланногтё тэ вежны полан,
мед оз чишкёдлы муслун би.
Бур, мый свет вылас тэкёд олам.
Бур, мый тёдсаёс тэкёд ми.



Съёлёмös эн дойд

Тэ менсым съёлёмös эн дойд
скёр видзöдласён, чорыд кылён.
Од ётчыд овлö олöм-вылöм,
мед сийö лоас быттьö мойд.

Тэ менсым съёлёмös эн дойд.
Съёд мёвпъястö эн восьты меным.
Од сёр нин сямös менсым венны.
Тэ важён меным абу ёрт.

Тэ менсым съёлёмös эн дойд
да гёгёрво тшётш тайös ачыд.
Ми уна во нин олам тадзи.
Од муслун, абу кö, оз сод.



Мича вёт

Луньюгыд нин пырё синмё,
а ме вольпасын на пыр.
Мича вётлён йёла инмё,
юммём нюмён лолой тыр.

Нёдзласигтыр надзён сувта.
Луныс – дзоридзалысь луд.
Войбыд вёлі сэтшом шуда,
весиг ловзис съёлём куд.

Сылгитырий олём ола.
Кёсийм збыльмас мойдын моз.
Вётён сёмын муслун волё,
вемёсён нё мыйла оз?



Лысва войт

Лысва дзирдыштас турун пёвстын,
дзоля дивö кодь, сöдзысь-сöдз.
Мортыс му вылас локтö гöсътöн.
Дженыыд олöмыс, мый кöть вöч.

Васöд турунсö шондi косътас.
Сылас сынöдын асъя майд.
Ловтö тадзи жö Енмыс босътас.
Быран, быттьёкö лысва войт.



Андел лэччас

Гулыд ывлавыс садьмё чёла.
Кыа дзирдъясöд надзён кела.
Синъяс водзын тэ мыйла жёдзан?
Кор нё ас киысь менё лэдзан?

Кыськё вылісянь андел лэччас,
ловлён лэбулёр лёня дзебсяс.
Тайё радлунсö дыр ме видза,
медым олёмыс вёлі мича.



Удораса морт

Тэнад мича сёромын –
шоныд гожся вой.
Содіс менам сьёлёмын
нёшта ёти дой.

Меліалін синъясös,
удораса морт.
Юин медбёр вынъясös.
Мустёммис ас горт.

Тэнад ньёжмыд вёрасыд
думъясысь оз мун.
Гым шыяс кодъ гёлосыд
торкё менсым ун.



Пырин съёлёмö

Менам синъясысь корсян шоныдсö,
збыльсö, югыдсö, медся долыдсö.
Шогтö пальбöдиг менö гажöдан,
кöть и мёдöс на думён радейтан.

Ог тöд, донаöй, мыйтор думыштïн.
Пöся сывтыройён менö курыштïн.
Пырин съёлёмö тешкодь сёрнинад.
Менсым олёмös вежны сёр нин öд.

Вез кодь йитöдным жеб да вöсныдик.
Шудным кöч бöж кодь дзоля, дженыдик.
Гашкö, тырмас нин миян йöйтавны?
Майбыр кад йылысь мудзи мёвпавны.

Кöть и мёдöс на думён радейтан,
шогтö пальбöдиг менö гажöдан.
Менам синъясысь корсян шоныдсö,
збыльсö, югыдсö, медся долыдсö.



Юрийв кодзув

Енма-муа костын шоча
югнитлывлан, пета воча.
Вольной светас отнад кылан
менсым шытёг бёрдись сылан.

Мусаникой мунис ылёт.
Видзёдлас кё енэж вылёт,
сийб казялас жё оні,
кыдзи портмасян тэ сэні.

Шуштёммисны арся рыгъяс.
Гажёдёны тэнад дзирдъяс.
Алдзывлытём эзысь мичён
менё ышёдан да видзан.

Юрийв кодзув, ѿзы, ѿзы,
ыджыд эбёс йёзлы вўзы.
Аслад кёдзыд гуся нюмён
кокньёд юрёс тешкодъ думён.



Ок, кыдзъяс, кыдзъяс...

Ок, кыдзъяс, кыдзъяс, менам чойяс,
зэв пемыдьось нин арся войяс,
зэв зэраёсь нин арся лунъяс,
да сыла съёктаммисны думъяс.

Ок, кыдзъяс, кыдзъяс, менам чойяс,
эн чөвтой зарниасьсы коръяс
да лолёс гажёдыштö, шонтö,
öд шоча мыччысылывлö шондi.

Ок, кыдзъяс, кыдзъяс, менам чойяс,
весь майшасьомыс менё сёяс.
Кор шарёдчанныд тёла лунёд,
сэк лёкыс паметь вылысь вунё.



Сылы кола

Сийё енмён менё шуё.
Ачыс яндзим тёдтёг гүё
менсъым мёвпъяс, мичлун кылём,
мада олём йылысь сылём.

Сылён сьёлёмыс зэв чорыд,
Сёйём бёрын овлё долыд.
Веськодь видзёдласа синъяс.
Жалиттёмсось кельид кияс.

Дышпыр уйё лунысь лунё.
Оз тёд ачыс, кытчо мунё.
Анделён кор менё нимтё,
ловъяснимёс, чайтё, йитё.

Сылысь голёссё кор кыла,
сыттырёй кор босътас, сыла.
Мый коть шу, а ме од ола
сы вёсна, мый сылы кола.



Ставыс лоас бур

Гижа первой лым вылын:
«Ставыс лоас бур!»,
кёть и Енмён сегём джын
ёніөдз ээ сюр.

Гижа первой лым вылын:
«Сиа ыджыд шуд!»,
кёть и сылёр менам вын,
кёйдö съёлём күд.

Гижа первой лым вылын:
«Радейтёмтö видз!».
Гудёкасьё съёлёмын
югыд лунлён мич.



Жугыль синъяса ар

Руа сынöдын дзебсясьö
асъя ыркыдлöн лов,
еджыд бордъяснас шенасьö,
шондi сылы оз ков.

Ворсö пöртмасысь рöмъясöн
жугыль синъяса ар,
лунтыр мичмöдö сьомпасöн
няйтöсь түяса кар.

Рыгъя рöмыдын бöрдзylас
дузъялысь ывла выв,
тöвныр виччысытöг öддзылас,
сэсся войбыд оз кыв.

Енэж дзормöдас эзысьöн
мулысь вижöдöм бан.
Олöмсö бурлань вежысьöн
тöлыс петкöдчас тан.



Вöтъяс

Вильсъялі ме доймём каляён
гыа сорсъяс выйті. Горзі.
Чотысь понмён мусоб талялі.
Пöлян вылын нора ворсі.

Кöмтöм кока, киссыём паськёма,
öтнам шöйті мир туй бердын.
Некод некён абу дасытöма
меным керка гажа эрдын.

Чардён сотём пулён колясён
чусми гажа веж рас шöрын,
медым лэдзны лолöс вочасён,
муё пöрны сисымёт бöрын.

Татшöм сернасторъяс ме дорö
вöтын волывлöны. Мыйла?
Гашкö, чужаниной öтдортö
сы вöсна, мый ола ылын?



Шонді петő

Енэж помыс быгтъё воссъё,
мича лунлён содё лыд.
Уна рёмён вортас ворсё,
öгыралö асывбыд.
Кыа пиысь шонді петő,
водзвыи виздöдчö зэв дыр
енэжтаслён алöйгöрда
югыд занавесъяс пыр.
Видзöдласыс лöнь да мелi,
нинöм сы кындзи оз ков.
Татшöм дивö эз на вöалы.
Жарён ыпнитыштис лов.



Медвоздза лым

Арыс пасъяліс дыр,
шоныд, кос, гажа, тёла.
Ёвтчис Эжва дор кыр
пельсь розъясён чола.

Лөнъ да шондіа лун
быттьё туналіс лымсö.
Войнас торкасис ун.
Арыс личодіс вынсö.

Лымъяліс мұлысъ бап,
вежис ывласö войыс.
Талун тёв пускис тан,
қыдзкö виччысётöг воис.



Олёмлы ода

«Ой, олам, олам! Тэнсъыд донтё
Ме лэпта лунысь лунё...»
И. А. Куратов

Ой, олём, водзё кывт,
мед кань моз кургас рыт,
мед мудзёс босытас ун,
мед лёня коляс лун.

Кывт, менам олём, кывт,
тёжд-могъясон эн тырт.
Мем дзоньвидзалун сет,
выль выньяс аддза мед.

Ой, олём, водзё кывт,
мед юргас тэнад кып,
шань коми мортлысь мич
ну нэмъяс пыр да видз.
Кывт, менам олём, кывт,
да кояв зарни дзирд.
Мед чужан мулён гор
пыр жургас, бытъё шор.

Ой, олём, водзё кывт,
мед шувгас ния нырд
да дзоридзалаас луд,
мед сылас сьёлём куд.
Кывт, менам олём, кывт,
мед содас ёртлон лыд,
ёд накёд небзъё лов,
оз бырав нянь да сов.

Ой, олём, водзё кывт
бур эскомлунё пырт,
мед енэжыс век лёз,
мед сёвмас матыс йёз.
Кывт, менам олём, кывт,
став майшасьёмёс сывд,
сёдз ловъя ваён ют,
мем, анылы, козынав шуд.



Изватас кыв вылын гижем стихотвореннеяс

Мада жале – изъва кыы

Мада жале - изъва кыы,
тэ топ Изъва юлэн гы,
бдде скормысь, коть и рам,
изъватас кодь тэнад сям.

Мада жале – изъва кыы,
мича тэ, топ ылла выы,
сэтшем небыд, визув, бур,
тэссыид емкеджык оз сюр.

Мада жале – изъва кыы
кыласны мед зон и ныы,
ае, маме, вок да чой
тэнчыд югыд вой кодь дой.

Мада жале – изъва кыы,
шоныд шыыд мед оз сыы,
челядь сёрниэ тэ пыр,
никор му вылысь ин быр.

Мада жале – изъва кыы,
мечча любе тэнад сыы,
немтэ югъёо шонді моз,
кыа югеръясын ворс.

Мада жале – изъва кыы,
тэ ин бёрдэччи, а сыыи,
медум ёнмас Изъва му,
мед оз косьмы Изъва ю.



Ӧшиньяс, ѿбесьяс восъта

Ӧшиньяс, ѿбесьяс восъта,
мед нуас став лёксэ тöв.
Ва бонийен пелесьяс босъта.
Чышкыся, бус мед из вöв.

Майтэгэн мыськала джоджъяс
дзирдавгэдз, пöв бёрся пöв.
Бутылеpunktага пу вожъяс,
петас мед кор, кöть и тöв.

Бушколэн ышмалысь рытыс
кар кузя довъялас дыр.
Лов кылэм тулыскэд йигас.
Съолэме радлунэн тыр.



Пывсян лун

Жёлэб улысь новла пывсянэ
небыд зэр ва, сөстэм ва.
Гор-мёд чёвта, колэ пывсыны.
Гырысь пескен лёдсала.
Горья пывсянис зэй тшынасе,
вöдитчыны сьёкыд сэн.
Гёрдэдисны быдсан синъясэ,
синва киссе роззбен.
Воймытгэдзыс дыр на ломтыся.
Лабичъяссэ мыськала.
Портэ кётэда выль коресьяс,
пывсян кола чышкала.
Первой жарсэ ачум сюреда,
пёлки вылын нылэдча,
коресяся, сёлэм бурмеда,
сяке сэтжн ылэдча.
Турунъясэн юрес пожъяла,
йёгыд вазн кисьтася.
Пасытасигэн ёдва пояла.
«Пывси!» - гортын висьтася.
Маме мыччас менум пувъя ва:
«С лёгким паром! Пытшкас вод.
Вежсы, нылэ, дzonьнад вазема!»
Шойчча - мыськем сёркни кодь.



Изватас кывлы

Тэ первой лым кодь сөстгэм, небыд.
Тэ вадор из кодь мольыд, крепыд.
Том ижемкайас кодь же жалькодь.
Тэ дзоридзалысь льёмлэн чаль кодь.

То бузган гора тувсов шорен,
то лёния шарган арся коръен,
то лым чиръясэн усян вывсянь,
то чарда-гыма зэрэн киссян.

Но мыля мукеддырийи, кылан,
тэ коми кывлы паныд сынан?
Пыр юртэ чатыртэмэн олан,
но тэ и татшемен мен колан.

Пым рачаэн ме тэнэ сёя,
кор олэм-вылэм выйті доя...
Ме мёда, медум му шар вылын
тэ, мада кылэ, нэмтэ кылін!



Съёдвой

Сылысь Василий Рочевлы

А менам выйым чой – съёдвой,
лёнь видзедласа, уна тёдысь.
Ме толькоко сыкед юка дой,
вед дзебны нинэм ѿта-мёдысь.

А сія съблэмсянь дзик пыр
мен сиэ помтэм-дортэм муслун.
Сись дорын шёпкедчам ми дыр,
и бинум асылэдз оз куслы.



Ыллаысь он ум

Алексей Ларионовлы

Шагнита ме тагес,
гортын тон ог ов.
Лызен ветла яге,
бурмедышта лов.

Тшукедче да сылэ
бус кодь посни лым.
Лэбач дзользе-сылэ,
тулыс ёктэ вын.

Сынэд ва моз колэ,
сысьсю югдэ юр.
Кёнке ёмой овлэ
мортлы татшем бур?

Шойчча, чышка нылэм,
нятшка пожем сир.
Бара банбök вылын
кучас ворсны вир.

Тая шуда луныс
öзтас менчум нюм.
Оз вед прёстэ шуны:
«Ыллаысь он ум».



Видзаася ыллакед

Сиа бур морт З. А. Каневалы

Восьта ёшинъяс да видзаася ыллакед.
Небесаис кымрасьыштэ тон.
Съолэм вылын сэтшем югыд мыляке.
Асъя мичлы, майбыр, абу дон.
Орддысыены сивей тошкы кымеръяс,
наысь артме помтэм-дортэм воль.
Недыр мысьти небесалэн сигеръяс
состэммасны, нинэм сэн оз коль.
Ме мозни же олэмыслы радилен
палялэ зэй гажа гожся лун.
Ачум сиен любуччышта падмемен.
Аслам муысь никычче ог мун!



Тэнад гёлэс шыяс

Мыля сэтшем сьбыд сьблэм вылын,
леке бырис, нинэмыс оз ков?
Сиен, мыля рытбыд коз пу йылын
карзіс куварканлэн пемыд лов.

Мыля вата кодесь коқъяс, кияс,
бусытг лунбыд кералэма пес?
Сиен, мыля тэнад гёлэс шыяс
гаргтисны, топ гутэс черань vez.

Мыля гажтэмала, а ог радлы
сэк, кор локтэ асыв, пуксе вой?
Сиен, мыля сетчи майбыр кадлы,
мореспанес ёнтэ помтэм дой.

Мыля вольнэй свет вылас не овны,
выйымесь вед рёдвууж, уна ёрг?
Сиен, мыля тэн күш мёда ковны,
но ме сап ог ков тэн, дона морт.



Ветлі войков

Ветлі войков бёре-водзе
мада Изьва му вылэ.
Ловнам сэтшем бура шойччи.
Изьва олэ, сулалэ.

Бура поёвсис мен сэтэн,
небесаыс уна да.
Сэтэн овла ме дзик мёдэн,
лёксэ ставсэ вунэда.

Иг и слоймы сюрны гортэ,
мам-айлэн важ керкаэ.
Тадз вед, мадаэ да мортэ,
олэмнум и бергалэ.



Тувсовъя рытэ

Ми тёдмасим тувсовъя рытэ.
Лов потис, топ пулэн веж кор.
Вед съблэмъяс топыда йитэ,
юр гажмедэ радуччысь шор.

И микеднум шамрасис майыс,
и жалеччис небыдик тёв.
И петкедчис му вывса райыс,
вед татшем бур никор из вёв.

Ми торъедчим тувсовъя рытэ.
Кор польдэ нин кыдз пулэн гар,
кор шондыйс толаяс сывдэ,
сэк мыляке пуксыывлэ ар.



МБУК "Ижемская МБС"

книгой знатной женщины
(жена князя)

живописью к эпохе
(XVII век)

литературой XIX века

МБУК "Ижемская МБС"

Библиотека Централизованной
системы библиотечного обслуживания
для детей и взрослых
г. Ижемск, ул. Степана Разина, 10
тел. 8(8252) 5-00-00

Библиотека Централизованной
системы библиотечного обслуживания

Библиотека Централизованной

**Людмила Зарниевна Втюрина
(Зарни Люся)**

**ТЁВСЯ ЁШКАМОШКА
(ЗИМНЯЯ РАДУГА)**

Сборник стихотворений

Печатается в авторской редакции

Компьютерная вёрстка *А.А. Мордвиновой*

Подписано в печать 26.04.2013. Формат 60x84 1/16.

Бумага «Снегурочка». Гарнитура «Times». Печать – ризография.

Усл. п. л. 5,5. Заказ № 4.

Тираж 250 экз.

Адрес издательства:
Коммунистическая ул., д. 11, Сыктывкар, 167982

Отпечатано в ГАОУ ВПО КРАГСиУ

МБУК "Ижемская МБС"

МБУК "Ижемская МБС"